

DPN 7019

(Printed)

महायान उपोवध इति विधि
Title: MAHAYANA UPDASHA SITA VIDHI

Run. No. 7744

Cat. No.

Micro. No.

Subject विधि Religious ritual Religion: Hindu / Bauddha

Language: Skt. / New. / Nep. / Skt.- New. / Maith.- New. / New.- Nep. /

Size in cms. 8.5 x 30.0 Folios 34 Lines (in a page) 6

Compl. / Incompl.

Chapt. / act /

Author / translator

Buddhas 2499
Date: NS / SS / VS / KS 1076, 2013,

Scribe / donor

Translator - श्री एनसागर शर्मा
Ruler / place Sagar
Publishers Sahu Maithi Ratan upasaka
Illus.:

Script: New. / Dev. / Bhuj. / Ran. /

Material: palmleaf / paper / thiyasaphu /

Condition: fine / damaged by worms, rats, water / Printed

Beginning, colophon, post-colophon:

नमो बौद्धाय ॥ साधुं भूतं कालं कृणामहे ॥ महायानं वापि १०८०
यानां, अतः अन्तर्गते अत्रुहं यानां विष्णुः ५

२२ । महायान उपोषध शील विधियागु श्लोकार्थया अनुशंसा सहितं भिनक विहार यानाचवनेगु ॥

॥ महायान उपोषध शील विधि श्लोकार्थया अनुशंसा सहित भिनक विशारयानाच्छनेगु ॥

॥ १ ॥

नमो लोकेश्वराय ॥ ह्वापां गुरु, आर्य्य करुणामय फरक मदुलयागु चरणे वन्दनायाना, जन्म जन्मपरि अनुग्रहयाना विज्याहुं ॥ ॥ शुगु महायान उपोषधया नेम मेपित पीत ह्वापा स्वयं धर्माणि (चैत्य, पुस्तक, प्रतिमा) या अग्रस सुधह्वापां ग्रहणयानालि वयांलिपा हस्तरेखा खन्यमदुवं शिष्यपि सःता दण्डवत्पाका संमुखे ह्वाःवितियाका पुलिच्चीका थय्य देशनायाये ॥ ॥ अहो ! भीपिनि प्राप्तजीगु दुल्लभगु प्राप्तजूगु, अर्थ क्षणसम्पत् मनुष्य रत्नया शरीर, धर्म्मिगु प्राप्तजूगु ॥ थ्व दर्शन यायदुल्लभगु बुद्धया शासन रत्न दर्शन लाःगु आःथ्वय्यंजक खः ॥ उक्रियानिति शुगु जन्मया सुखयात लोभ-राग मतसे परलोके हितयायगु अर्थ विशुद्ध साधनयायमाः ॥ ॥ थुक्रियां रूल गध्यधाःसा- थःत सुखसियगु इच्छा गुलिजकदु वध्यंतु सकल सत्वप्राणियानं सुखसियगु इच्छा मदुपि द्वाहे मदु, थःत रोग चिकीचाधंजूसां दुःखतुयावैगु सहाय मफु ॥ प्राणिपि आपालं दुर्गति स्वंगु इत्यादिया

॥ १ ॥

दुःखे उलिधुलि मदयक पीर कट नयाच्चपि, थ्व दक जिनं जन्म मरणे लानाच्चगुलि ह्मसियाच्चंगु सिवेत कारणजा हानं हानं दयात्तया पालना याना हःपि मां बौपि जक हे खः, थुपि दुःखं मुक्तयायगु उपाय यायमाः ॥ उक्रियानिमित्ते जि थ्व मां बौ पिनिगु कारणे संबुद्धया पद प्राप्त याये ॥ शुगु निमित्ते महायान उपोषधया नेम ग्रहण यानाली धर्म्मिनिसे धारणायाना, कन्हेसिया सूर्य उदय मज्जतले भिनकं रक्षायाय धका धाये ॥ ॥ हानं उपवासया अष्टाङ्ग व उपोषधया अष्टाङ्ग निधी तोत्यगु व तोत्यमाःगु च्यागू जक उध्यंजूसां विशेष भेगु अत्यन्त तःथंगु दयाच्चन ॥ ह्वापां उपदेशयानातःगु मुदानं खगू मखु ॥ उपवासया पूजाविधि ब्राह्मण वशिष्ठ परिशुच्छास्त्रं आज्ञाजूगु ॥ महायान उपोषधेजूसा अमोघपाशतन्त्रं आज्ञा जूगु खः ॥ १ ॥ ॥ निगूगु ग्रहण यायगु धाननं उध्यंमखु ॥ उपवास धयागु श्रामणैरं ग्रहण यायमज्जु उपोषध धयागु निष्ठु, वज्र धारणा याज्ञनं ग्रहण यायज्जुगु खः ॥ २ ॥ ॥ स्वंगुगु ग्रहण यायगु विन्तना नं उध्यंमखु ॥ उपवास धयागु स्व अर्थमात्र निर्वाण प्राप्त यायगु इच्छां थीरं

॥ २ ॥

चिन्तनामात्र उत्पत्तियायी ॥ उपोषध ध्यागु धाध्यं परयागु अर्थे बुद्ध जीगु इच्छा यायमाःगु जुल ॥ ३ ॥ ॥ प्यंगुगु पूजाविधिं उध्यंमखु ॥
उपवास ध्यागु वशिष्ठ परिपृच्छासूत्रे आज्ञाजूयं सम्भेयाना विज्याहुँ धका प्रार्थनायाना, ह्वापां शरणवना ग्रहण यायमाःगु ॥ उपोषध ध्यागु अमोव-
पाश तन्त्रं आज्ञाजूयं भिगू दिगया बुद्ध बोधिसत्वपिसं सम्भेयाना विज्याहुँ धका शरणवना ह्वापाया जिनपिं उपमातया धःहानं वध्यं पालनायाय
धका एकार्थं कराल यायगु द्वारा स्वको ग्रहण यायमाःगु ॥ ४ ॥ ॥ न्यागूगु प्राप्त जीगु फलनं उध्यं मखु ॥ उपमासयाके चित्त उत्पत्तिजूयं,
महायान, हीनयानया निर्वाण निगू जूगुलिं उपोषधे नेम मस्यंसा साक्षात् सम्भोधि प्राप्त जीगुनिति कारण फरक जुल ॥ ५ ॥ ॥ उक्रिया-
निति उध्यं मखुगु विशेष वयासिनं आपाःदुसं शुकी न्यागूजक संग्रहयानातःगु खः ॥ ध्वयं महायान उपोषध नेम ग्रहण यायत ह्वापां गुरुया
सन्मुखे धःमहं धाध्यं ग्रहण यायमाःगु नेम प्रार्थना यायगु निमित्ते रत्नमण्डल चढेयायगु जुल ॥ ॥ मौलि (मुख्य) उपोषधया नेम ग्रहण यायगु

॥ २ ॥

॥ १ ॥ ॥ भाव व शिवावोना नेम रत्ना यायगु रूख (कण्ठ) ॥ २ ॥ ॥ उपोषधयागु अनुशासं देशनां यायगु नापं स्वंगूदु ॥ ३ ॥ ॥
(शुकी मध्ये) ॥ ह्वापां नेम ग्रहण यायगुली मिलेजुगु उपमा कनेगु ॥ १ ॥ माःगु अर्थ नेम ग्रहण यायगु ॥ २ ॥ ॥ ह्वापां चतुर्दशिया प्रातःकालस
हस्तरत्ना-हाते दध्नी धो खनेदयमात्रं उतुसमये अन सुचिं स्नानयाना शुद्ध वस्त्रं पुना हाःनिपा जोरयाना पन्येस्वां मुखज्यानागु छाँतयाना जुगलेदिका
पञ्चकलया समय हुद्राज्याना ॥ ॥ ओँ पद्मोद्भवाय स्वाहा ॥ धका धाये ॥ ॥ धनंलि भिगू दिशाया बुद्ध बोधिसत्व दकसिगु चरणे निश्चयं
दण्डवत् यायगु ॥ * ॥ ओँ सर्वतथागत काय वाक चित्त वज्र प्रणमेन वज्रपाद वन्दनं करोमि ॥ धका बोने ॥ * ॥
॥ मूल ॥ * ॥ चोन्पुना रयुगुपे साङ्ख्ये धाङ् भयाङ्खुव सेवपा थासुव्येला भयाङ्खुव न्यिङ्पोला धियकी भारधु

॥ ३ ॥

॥ ३ ॥

दान्यी धीयाम्येषु योऽप्ये बुद्धना साङ्ख्येधाङ् भयाङ्छुवसेपा बयेन्पो नायक्यी दाष् श्येसुसोल् ॥ दावला द्वेषुव
लानामेपा चेलधुसोल् ॥ धका बोने ॥ अर्थ ॥ ॐ  भिगू दिगे विज्यापिं बुद्ध व बोधिसत्व सकलयात् बोधिमूल मलातले जिहे सदाकालं
मिनक चदेयाना, बुद्ध व बोधिसत्व महासत्त्वपिसं जित ग्रहण याना विज्याहुं, जित अनुत्तरया सिद्धि विया विज्याहुं ॥ यध्ये धका जिनपुत्र सकसितं
दण्डवतयाना, जिगु शरीर चदेयाना धका चिन्तनायाये ॥ ॥ मूल ॥ ॐ  सांग्ये द्वेधां छोग्क्यी ब्योग्गनामला ॥ भयाङ्छुव
भारधु दाग्नी क्यावसुंछि ॥ दाग्धी ज्यन्सोग् ग्यीपै स्वेनामक्यी ॥ दोला फेन्किर् सांग्ये दुपार् श्योग् ॥ स्वधा बोने ॥
॥ अर्थ ॥ ॐ  बुद्ध धर्म संघ उत्तमपिके बोधि-मूल मलातले जि शरण वया, जि दान इत्यादि यानागु पुण्यं जगत् प्राणी हितयायगु कारणे बुद्ध

॥ ३ ॥

ज्योमा ॥ धका स्वधा बोने ॥ मूल ॥ ॐ  दोनाम् दाल्दोद् सामपायी ॥ सांग्ये द्वेधां ग्येदुन्ला ॥ भयाङ्छुव न्यिपोर्
छवीक्यीभार् ॥ तागपार् दाग्नि क्यावसुंछि ॥ शेरवन्नियचे धांन्यप्ये ॥ चोन्प्ये सेम्वेन् धोन्धु दाग् ॥ सांग्ये दुन्धु
नेग्यीते ॥ जोग्पै भयाङ्छुव सेम्वेयो ॥ धका बोने ॥ अर्थ ॥ ॐ  जगत्-प्राणी तरेयायगु कामना चिन्तना याना ॥ बुद्ध धर्म संघ
याके बोधि-मूल मलातले सदानं जि शरण वया ॥ प्रज्ञा व करुणा सहितं उद्योगयाना सत्त्वप्राणिया कारणे जि बुद्धया सन्मुखे उपस्थितजुया
सम्बोधिचित्त उत्पत्ति यानागु जुल ॥ यध्य स्वधा बोने महायानया शरण वनेगु व बोधिचित्त उत्पत्ति यायेगु ॥ शरण बोधिचित्त धारणा यायेगु ॥
॥ मूल ॥ ॐ  सांग्ये द्वेधां छोग् ब्योग्गला ॥ भयाङ्छुव भारधु क्यावसुंछि ॥ दाग्धां स्पन्धोन् दुव्लेधु ॥ दाग्

॥ ३ ॥

॥ ४ ॥

धी भयांछयुव् सेम्केधो ॥ जोग्छु धागुना स्युग्पायि ॥ सांग्ये भयांछयुव् सेम्पाः सोन् ॥ दाग्धी जोग्पै भयांछयुव्
चिर ॥ धेने भयांछयुव् सेम्केधो ॥ धका बोने ॥ अर्थ ॥ ॐ बुद्ध धर्म संघ उत्तमपिके बोधि-मूल मलातले शरण वया ॥ थः व परया
कारणे साधन यायत जि बोधिचित्त उत्पत्ति यानागुली, भिगू दिगे विज्यापिं बुद्ध बोधिसत्वपिसं न्यया विज्याहुं ॥ जिं सम्बोधिया कारणे थनिनिसं
बोधचित्त उत्पत्ति याना ॥ ॥ थनील उपोषध ग्रहण यायेत ॥ हापां गुरुया सन्मुखे-न्होने ग्रहण याना कायमाःगुलिं गुरु करुणामय भाःपा
वसपोलया सिथये चाउलाच्यं पिं जिनपुत्रपिं सहित सकलसिनं चाःउयका विज्याह्व भाःपाः निश्चय थद्दा आदरयां वेग तज्जोकं वेका दण्डवत् स्वको
यानालि न्होने आदस्तया चर्या मार्गे कन्याण मित्रयाके उपोषधया नेम ग्रहण यायेगु कारणे मण्डल चढेयाना, जिं मां बी आकाश समानं

॥ ४ ॥

सकल सत्वप्राणिया कारणे सम्यक्सम्बुद्धया पद महारत्न न्हाथ्य यानानं प्राप्त याये ॥ ध्वयानिमित्ते महायानया उपोषध नेम ग्रहण याना
थनिनिसं कन्हेंसिया सूर्ये उदय मज्जतले बांलाक पालना यायगु जुल धका मने वरोवर समकेयाना गुरुया ल्युज्यु बोनेगु ॥ ॥ भूल ॥
ॐ जोग्छुना स्युग्पै सांग्येधां भयांछयुव् सेम्पाः थाम्च्ये दाग्ला गोंसुसोल् लोव्पोन् गोंसुसोल् ॥ भित्तार
होन्धिय धेशिन् शेग्पा दाच्योम्पा यांधाग्पार जोग्पै सांग्ये ॥ ताच्यां श्येताभु ॥ लांपो छेन्पो ॥ भयावाभोर्शि भेपा
भेपा ॥ खुरभोर्वा ॥ रंधी धोन् ज्येसु योव्पा ॥ सिद्धपर कुन्तु ज्योर्वा योंसु शेद्रपा ॥ यांधाग्पै काः ॥ लेग्पार
नाम्पार धोल्वै थुग् ॥ छेग्पार नाम्पार धोल्वै शेरव् व्यन् धेधाग्धी ॥ सेम्च्येन् थाम्च्येकी धोन्धिय चिरधां ॥

॥ ५ ॥

फेन्पार भयावै चिरधां ॥ धोल्वार भयावै चिरधां ॥ मुघे मेदपार भयावै चिरधां ॥ नेद् मेदपार भयावै चिरधां ॥
भयांछुक्की चोक्की जेनासु पोंसु जोग्पार भयावै चिरधां ॥ लानामेदपा यांभाग्पार जोग्पे भयांछुक् डेपार तोग्
पार भयावै चिर सोज्यो यांभाग्पार जेदपा धेस्त्रिन्धु दाग्मि दीस्त्रिग्भेक्यां ध्वीदिनेशुंते फिसिद् सां न्यमा
म श्यारवि भारधु ॥ सेस्त्रेन् थाम्त्रेक्की धोन्ध्वि चिरधां ॥ फेन्पार भयावै चिरधां ॥ धोल्वार भयावै चिरधां ॥
मुघे मेदपार भयावै चिरधां ॥ नेद् मेदपार भयावै चिरधां ॥ भयांछुक्की चोक्की जेनासु पोंसु जोग्पार भयावै
चिरधां ॥ लानामेदपा यांभाग्पार जोग्पे भयांछुक् डेपार तोग्पार भयावै चिर सोज्यो यांभाग्पार लांवार गियहो ॥

॥ ५ ॥

धका यथा बोध्य विषयव सम्काले यःगुचित्तं नेम प्राप्त जुल धका हर्ष भावना घाये ॥ अनन्ति गुरुं उपाय जुल धका आज्ञावो ॥ साधु साधु धका घाये ॥ ॥
॥ अर्थ ॥ ॐ ॥ किंगू दिशास विज्यानाच्वं पि बुद्ध व बोधिसत्त्व सकसिनं जित समझेयानो विज्याहुं ॥ आचार्य्य समझेयाना विज्याहुं ॥ गध्य
हापायापि तथागत अर्हत् सम्यक्सम्बुद्ध ॥ आचानेय ॥ महानागा ॥ कृतकृत्य ॥ कृतकरणीय ॥ अपहृतभार ॥ अनुप्राप्त स्वकार्य ॥ परिच्छिन्न भव
संयोजन ॥ सम्यकाज्ञा ॥ सुविमुक्त चित्त ॥ सुविमुक्त प्रज्ञा जुयाच्वं पि श्वसपोलपिसं ॥ सकल सत्त्वप्राणिया अर्थया कारणे व हित यायेगु कारणे ॥
मुक्ति यायेगु कारणे ॥ दुर्भिक्ष मदयेक्यगु कारणे ॥ रोग मदयेक्यगु कारणे ॥ बोधिपाक्षिकायागु धर्मव्याक परिपूर्णयायेगु कारणे ॥ अनुत्तर सम्यक्सम्बोधि
निरूपन यायेगु कारणे ॥ उपोषध यथार्थ यानाविज्यागु, बध्यंतुं थुगु जिगु नां धका नां कयाः थुगु समयनिसं धारणायाना, गुथायतक कन्देसिया सूर्य
उदय मज्जतले ॥ सकल प्राणिया अर्थया कारणे व हित यायेगु कारणे ॥ मुक्ति यायेगु कारणे ॥ दुर्भिक्ष मदयेक्यगु कारणे ॥ रोग मदयेक्यगु कारणे ॥



॥ ६ ॥

बोधिपादिकाया धर्म व्याक परिपूर्ण यायेगु कारणे ॥ अनुत्तर सम्यक्सम्बोधि निरुपण यायेगुया कारणे, उपोषध सम्यकं ग्रहण यायेगु जुल ॥ घका स्वको बोने
स्वको बोने विधयेव समकाले यःगुचित्ते नेम प्राप्त जुल घका हर्ष भावना याये ॥ अनंलि गुरुं वपाय जुल घका आज्ञा जूगुली शिष्यं साधु धाये ॥ ॥ अनंलि
हापा कनातःथ्यं बोधिचित्त समुत्थान-मनेन्वीका गथ्य हापाया अर्हत्पिसं प्राणातिपाप इत्यादि शरीर वचनं प्राचित्त यायेगु दक तोता, धुजोगुली हानं
मन हीकूध्यंतुं जिनं सकल सत्त्वप्राणिया कारणे प्राचित्त यायेगु तोता थ्व व्याक चलि हिल्लितक तोते घका शिष्या व्याकं स्तुलैसित शिष्या यायेगु जुल घका
चिन्तना याना थथे बोने ॥ ॥ मूल ॥ ॥ धेने सोग्ग्योद् मिभयासिं ॥ स्यन्धिय नोर्यां लामिभया ॥ धिग्पै ड्वेक्यां
मिच्योद् चिय ॥ जुन्धिय डिग्क्यां मिग्ग्रा हो ॥ क्योन्नि मांपो न्येस्तेन्पै ॥ छयानि योंसु पांवर भया ॥ थितेन् छेथो

॥ ६ ॥

मिभयासिं ॥ धेसियन् ध्वीमायिन्पै शे ॥ धिधां धेवा ज्यन्धानि ॥ धार्षां लुसोग् पांवारभया ॥ फितार दान्योम् ताघ
तुनि ॥ सोग्ग्योद् लासोग् मिभेदुतार ॥ धेसियन् सोग्ग्योद् लासोग्पां ॥ लामेद् भयांछुब् न्युरथोब् श्योग् ॥ दुग्
डाल् मांथुग् जिग्तेन् दि ॥ सिद्पै बोले धोल्वार श्योग् ॥ घका त्थुब् छरा बोने ॥ ॥ संस्कृतं- प्राणातिपात विरति ॥ अदत्ता
दान विरति ॥ काममिथ्याचार विरति ॥ मृषावाद विरति ॥ अनृततात्मदोषापुराभेस्य विरति ॥ उच्चासयन महासयन विरति ॥ विकाल भोजन विरति ॥ गन्ध
माला विभूषण नृत्य गीत विरति ॥ ॥ अर्थ ॥ ॥ प्राणि हिंसा याये मखु ॥ परया धननं काये मखु ॥ व्यभिचारनं याये मखु ॥ भूठा खनं
हाये मखु ॥ दोष आपालं याकनं क्यनीगु सुरापान परित्याग याये ॥ वज्रागु वःगु भासनेनं चने मखु ॥ तथा विकाल भोजननं याये मखु ॥ गन्ध

॥ ७ ॥

लेपन यायेगु, मालां कोलायेगु, तिसांतीगु, प्याखं हुयेगु म्येहालेगु इत्यादि तोत्ये ॥ गथ्य अर्हतपिसं सदानं जीव घातक इत्यादि तोतूथ्यं वध्यंतुं जीव
घातक इत्यादि तोतागुलिं अनुत्तर बोधि याकनं प्राप्त जीमा ॥ दुःख आपालं चलेजुगु लोक थ्व भवसागरं तरेज्जीमा ॥ धका ल्यूल्गु धवा बोने ॥ मूल ॥
❀  ओं अमोघ शील संभर भर भर महाशुद्धसत्त्व पद्मविभूषित भुज धर धर समन्त अवलोकिते हुं फट् स्वाहा ॥
धका शील विशुद्धिया धारणी स्वधा गुरुया ल्यूल्गु बोना, थ्व नापं नीद्वधा बोने ॥ मूल ॥ ❀  धिम्कयी छुल्थिम् कयोन्मेद् च्यि ॥ छुल्
थिम् नाम्पार् धाग्वां देन् ॥ लोम्सेम् मेदुपै छुल्थिम् कयी ॥ छुल्थिम् फारोल् चिर् जोग्ख्योर् ॥ धका परिणामे प्रणिधान
आपालं बांलाक बाये ॥ ॥ अर्थ ॥ ❀  नेमया शील दोष मदुगु, शील विशुद्धि युक्तगु ॥ मान (दोष) मदुगु शीलं शीलपारमितां पारंगत

॥ ७ ॥

जीमा ॥ थुगु प्रकारं छवाः गुरुया सन्मुखे ग्रहणयानालि वयांलिपा (चैत्य-पुस्तक-प्रतिमा) या न्योन्यनं कायज्गु धका आज्ञा जूगुलिं, थुगु प्रकारं हापा
याध्यहे क्रमैसित यायेगु रल जुल ॥ ॥ हापांगु भित्तार् डोन्च्यि धेस्मिन् श्येन्पा दाच्योस्पा यां धाग्पार् धया थासंनिसे सोज्यो
डेपार जेद्पा धेसिन्धु धयागु थाय्तकया भावार्थ कनेत ॥ ॥ हानं व उपमा गथ्यधाःसा ॥ हापा धयागु- अतीतकाल ॥
॥ ❀  तथागतधयागु- सर्व धर्म स्वभाव शून्यताया धात्वी निर्विकल्प स्वयं ज्ञाने विज्याह्य वा उपचित्त याना विज्यायानिति
यथ्य धेतल ॥ ॥ ❀  अर्हत धयागु- क्लेश प्राचित्त दक जुयावैह्य शत्रु, मुख्य जि धका जोगु अविद्या सहजं उत्पत्ति
ज्वीगु खः, उगु यात थ्वहे अनात्मास बोधज्वीगु ज्ञान वज्रं रोष-बाकि मदेक त्यागयाना अथवा फुका विज्यागुलिं अर्हत

धका धाल ॥ ॥ * ~~सम्यक्सं~~ धयागु- पुण्य व ज्ञान निगुया संभार चलेयाना थ्व कताजा पूर्णमजू धयागु मदेक
परिपूर्ण जूगुलिं सम्यक्सं धका धाल ॥ ॥ * ~~बुद्ध~~ धयागु- अविद्यायागु न्ह्यलं चायका गथ्य यावत् पद्मा ज्ञान
निगुलिं सीकेगु थाय् दक्यात सूर्यया रश्मिथ्यं व्याप्तयाना गुण दक बढेजूगुलिं बुद्ध धाल ॥ ॥ * ~~आजान्यय~~
धयागु- ह्यापा छगू समये सिंहसार्थवाह धयाह्य छह न्यासःह बज्रा सहितं तगोगु द्वासासच्चना सागरे रत्न काःवंबले, फसं
प्वीकेयना राजसीया देशे लात ॥ अन सुन्दरीपिं स्त्री जहानयाना काय् म्हाय्पिं आपालं दयकल ॥ उगु समये
सिंहसार्थवाह दक्षिण दिशाया पर्वते चाहू बंबले छगू ग्रामे नैयागु हाकुगु पखालं चाःउयकातःगु खनेवं त्रायत्रिंशया देव

॥ ८ ॥

छह मनुष्यया रूपकेना धाल ॥ काह्वै हेसार्थवाह! छं सीकिह्वै, थ्व सुन्दरी मनुष्य मुख, यक्षणी जुल ॥ छिपिंस्वया
ह्यापानं जम्बूद्वीपं वःपिं न्यासःमह बज्रात फसं प्वीका थुमिगु छेय् दुनेलात ॥ थुपिं थ्व सुन्दरी मनुष्य मुखपिं स्त्री
जाहान याना च्वन ॥ हेवनिजाल! छिपिं थ्यनेमात्रं थ्व बनिजालया मचात सहितं ग्रामे नैयागु हाकुगु पखालं चाःउयका
तःगुली कुना थनतया तःपिं यक्षणीपिसं छसेंनिसें नःगु जुल ॥ हानं लिपाया बज्रात बलधाःसा हेवनिजाल! छिपिं
थ्वथ्यंतुं नैगु जुल धकाधाल ॥ सार्थवाहं स्वः आःथनं छुतेज्वीगु उपाय छुं दैला? अवतारि मनुष्यं धाल ॥ उपाय दै, व त्राय
त्रिंशया थाने आजान्यय राजहंसथ्येजाह्य मेघवेग धयाह्य (सल) दु ॥ वहे वछला थ्व पुहिया दिने राजहंस-भङ्ग बोध्यं

॥ ६ ॥

आकाशं शुगु द्वीपेवया घाँय नया, लः त्वना सुवर्ण रत्नया वालुकास बुत्तुबुला मनुष्यया भाषां काहे जम्बूद्वीपे वनेगु इच्छा
दुपिं सकलें जिगु लिवने गया जिगु द्विप्यं चसँ छप्वा छप्वा जोना लिफः मसोसे च्वंपिन्त जिगु ऋद्धिया अनुभावं तरेयाना
वीगु जुल धका ततःसकं हाला जुई धका धाल ॥ अनंलि सिंहसार्थवाहं वणिजालपिन्त धाल ॥ हेवणिजालपिं! छिमिसं
सिलला, थ्व छेयँ थ्व सुन्दरीत मनुष्य मखु, यच्चणीत जुयाच्चन ॥ मीसिबे ह्यापावःपिं न्यासःह वज्जात मचात सहितं
थुमिगु छेयँ नये त्वने याना च्वन ॥ थन मीसिबे ह्यापायापिं आपालं वज्जात थुमिसं नये धुंकल ॥ लिपा मेपिं वज्जात
वःदत धायव मीपिनं ह्यापायापिंथ्यं नैगु जुल धका धाल ॥ अले थ्व वणिजालपिं ग्याना त्राशचाया, हेसार्थवाह! थनं

॥ ६ ॥

तरे ज्वीगु उपाय दुला धाल ॥ ह्यापाथ्यं उपायकन ॥ हेवणिजालपिं! थुगु समय पुद्दिखुनुया दिने अष्टगुण युक्तगु
नदिया सिथेवया पियाच्चनी ॥ अनंलि गध्यधाल अद्यहे सलवया थ्व मनुष्यत आपालं लिउने गयेका गुम्हसितं द्विप्यं
व चसँ छप्वाँ छप्वाँ जोंका व सलयागु ऋद्धिया अनुभावं जम्बूद्वीपे तरेयाःगु जुल ॥ अनंलि यच्चणीपिसं सिया ब्वांवया
“हेवणिजाल! छःपिसं जिमित मायामदुसां थ्व काय् म्हाय्पिन्त हृदये दया मदुला?” यहे धका धाःबले गुम्हं वनिजा-
लपिं काय् म्हाय् मचातेगु लोभ मायातया लिफःसोपिं भूमी कुतुंवल ॥ सलया म्हे मगःपिं यच्चणीपिसं संका, छिपिं गन
वनेगु धका ज्वना अनंतुं यच्चणीपिसं न गु जुल ॥ थुलि उखान जुल ॥ ॥ अर्थ बुद्ध भगवानपिसं दुःख, भयं, लोकधर्म

॥ १० ॥

अज्ञानयागु संखानापं प्यंगू तोता संसारया थासे भयङ्करगु दुःख भयं ग्याना (पीर जुया) च्वंपित थ्वथ्यंतुं तरेयाना द्वीपे
तया बिज्यागुलिं आजान्यय धाल ॥ ॥ महानाग धयागु- ❀ ~~कि~~ किसि दक्खावे श्रेष्ठ उपमा त्रायत्रिंशया महानाग
ऐरावत धयाम्ह आपालं योजन दुगु शरीर जुयाच्वंम्ह (किसिया) दथुयागु शिरे इन्द्र, मेगु शिर व्याक्रेसं स्वीनिम्ह उप-
इन्द्रपिं लिउने मेपिं देवपिं सकलें गयेका वयास्वथं नया खड्गदुगु चक्रं पर्वते किंनिगू योजनंनिसें सद्धिगू योजन उखेच्वंपित
कयेका दैत्यया फौज हटेयाना बुकावीगु, थ्वथ्यंतुं संसारया फौज मारसेन्य व्याक दमनयाना बुका व्यूगुलिं बुद्ध भगवान
नं थ्वथ्यंजुयानिति महानाग धयातल ॥ ॥ कृतकृत्य धयागु- ❀ ~~बुद्ध~~ बुद्ध भगवानं शील समाधि प्रज्ञा व्याक परिपूर्ण

॥ १० ॥

याना (थःगु) अधिकारं पर प्राणिया कारणे धर्मकाय निगू प्राप्त याःगुलिं कृतकृत्य धाल ॥ ॥ कृतकरणीय धयागु-
❀ ~~गुम्हे~~ गुम्हेसित गुगु द्वारं दमन यायेमाल (उगु) सत्त्व प्राणिया कारणे जल यायम्वाक आफै पूर्ण सिद्धगु कर्मया ज्यां
युक्तजुगु रूप काय निगू साक्षात् याःगुलिं कृतकरणीय धाल ॥ ॥ अपहतभार धयागु- ❀ ~~स्कन्ध~~ स्कन्ध व क्लेशं चिना
मिलेयाना यनीगु व्याक भारि वांछोया व्यूगुलिं अपहतभार धाल ॥ ॥ अनुप्राप्तस्वकार्थ धयागु- ❀ ~~शैच~~ शैच मार्ग परया
अर्थेजक जिनपुत्रपिसं दुष्करचर्या मदिकयाना अशैच मार्गया समय थःगु अर्थ सम्पूर्ण बुद्ध धर्मकायया गुण अनुप्राप्त
याना सत्त्व प्राणिया कारणे निर्विकल्प आफै पूर्ण सिद्धयाःगुलिं अनुप्राप्तस्वकार्थ धाल ॥ ॥ परिचिण भवसंयोजन धयागु-

॥ ११ ॥

* ॥ कर्म क्लेशाया वसेवना भवया थासे भय सदाकालं उलिथुलि मदयेक संयोग याइगु राग, प्रतिघ, मान, अविद्या, विचिकित्सा, दृष्टि, परामर्श, इर्ष्या, मात्सर्य गुँगू चनेथाय् मदेक परिचय याःगुलिं परिचिण भवसषोजन धाल ॥ ॥
॥ सम्यक्ज्ञा धयागु- * ॥ मोक्ष व सर्वज्ञ प्राप्त यायेगु मार्ग सम्यक खः ॥ (अविपर्यास-लिपा उल्था मज्जीक) उपदेश बीहयागु मुखद्वारं आज्ञाजूगु व अधिष्ठान यानातःगु व अनुवचनया आज्ञा अधिपति जुयाच्चंझ जूगुलिं सम्-काज्ञा धाल ॥ ॥ सुविमुक्तचित्त धयागु- * ॥ क्लेशमात्रजक मखेक ज्ञेयावर्णं तोपुया तःगु दकं भिनकं तोत्यगु सुविमुक्तचित्त यागु गुण मुख्य तोत्यगु सम्पूर्ण अधिने दुगुलिं सुविमुक्तचित्त धाल ॥ ॥ सुविमुक्त प्रज्ञा धयागु- * ॥ सुविमुक्त प्रज्ञा

॥ १२ ॥

दया च्वं पिं ध्वसपोलपिं धाःगु इत्यादिया अर्थ क्लेशावर्णं बांलाक तोता, ज्ञेयावर्णं विमुक्त जूगु तत्त्वव्याकया मुख्य अनात मास बोध जूगु प्रज्ञा अन्तिम खः ॥ ध्वथ्यं तोत्यगु व बुभेजूगु सम्पूर्ण निगूया अधिपति तथागतपिं ह्यापा गुलितक जुया बिज्याय धुंकल वसपोलपिसं सकल सत्वप्राणी थुगु थासे व अन्तेयागु कारण सारयायगु कारण ॥ हानं थुगु थासे त्रि दुःखं पीरजुयाच्चं पितं हीतयाय कारणे व अन्ते प्रज्ञाया स्वभावं परिमुक्तयायगु कारण ॥ हानं व थासे दुःख अने अनेगु जुयाच्चं पितं गुकथं हीतयायधका लोकधात्वी गरीप कंगाल दुःख अनिकाल इत्यादि चफुना ध्व मदेका ज्ञेगु कारण ॥ वात पित्त कफ इत्यादि शरीर चित्ते पीर कष्ट जुयावैगु तत्त्व स्थंगु रोग व्याक मदेकयगु कारण हीतयाये भाःगु व अन्ते

॥ १२ ॥

प्रज्ञाया स्वभाव गन्ध मुक्ताये धका धाः सा चतुस्मृतिपस्थान इत्यादि सप्तत्रिंशति बोधिपाक्षिकया धर्म व्याक थ व परया
स्वभावे परिपूर्ण प्राप्तयायगु द्वारा मुक्तायगु कारणं अनुत्तर निरुत्तर = च्वेमदुगु (पुण्य व ज्ञान) या सम्भार निगुलि
सम्यक्सम्बोधि थ्व हे साक्षात्तं बोधज्जीगुली संस्त्राजदेक प्राप्तयायगु कारणे ॥ शौच मार्गया समय महान उपोषध चय्या
याना विज्यागुलि वध्यंतुं धयागु जुल ॥ ॥ निगुगु माःगु अर्थ नेम ग्रहण यायगु ॥ ॥ जिगु नां थ्व धयागु इत्यादिया
अर्थ ॥ जिगु नां थय्य धेहसें थुगु समयनिसें धारणाया ना थ्व कहेसिया सूर्य उदय मज्जतल्ये बन्हु चच्चि हित्तक सकल
सत्त्वप्राणिना कारणे बुद्धया धर्म थ्व व्याक परिपूर्णयाना अनुत्तर बोधि प्राप्तयायगुया कारण ॥ महायान कुशल मूल मुंका

॥ १२

पाप अकुशलया पाखे शोधन यायगु ॥ अष्टाङ्गयुक्तगु नेम सम्यक् विशुद्धि यःगु स्वभावे बांलाक ग्रहणयाना कया वा
साप्र याना, थुगु अङ्गन्याक रूलैसित पालना यायगु जुल धयागु कारण जूगुलि थ्वध्यंतुं चिन्तनायाना बांलाक सीका ॥
गुरुयासिबे ह्यापा बोन्गु व समकाले नं नापं बोने ज्यू, गुरुया ल्यू ल्यू बोन्गु द्वारा ॥ भिगु दिगस विज्यापि बुद्ध
बोधिसत्व सकसिनं जित समभे याना विज्याहुं ॥ अ गार्थ्य समभे याना विज्याहुं ॥ गन्ध ह्यापाया तथागत अर्हत सम्यक्सं
धयागुनिसें उपोषध सम्यकं ग्रहणयायगु जुल धयायेत, स्वधा तुट फुट मदेक बोना ॥ थुगु वस्ततनिसें गुरु वा प्रतिमायात
करुणामय माःपा संज्ञायाना तथा च्वे आकाशे बुद्ध बोधिसत्व इत्यादि परमान मदेक विज्याना च्वन धका निश्चययाना ॥

॥ १३ ॥

स्वधा बोने सिधः गु समकाले यः गुचिते महायान उषोषधया नेम विशुद्धि प्राप्त जुल धका प्राप्तजुगु मन हर्ष भावनायाना
चनेगु ॥ उपाय बांलाक्या ॥ ॥ निगूगु ॥ ॥ शिच ॥ सांनिसें नेम पावन यायगुली, हानं व नियम प्राप्त जक यानां
मगा, थ्व मस्यंक उपायं तोत्यमाः गु च्यागू हसीका अष्टाङ्ग कर्मसित पावन यायमाः गुली थ्व अष्टाङ्ग छु छु धाः सा- मूल
प्यंगू, कचा प्यंगू तोत्यगुनापं च्यागू जुल ॥ थुकी हापांयामु प्राणी हिंसा तोत्यगु अंगधयागु, थनिनिसें प्राणी हिंसा याय
मखु धयागुली कनातः गु, थुगु शिचा यायगु ॥ प्राणी हिंसाया आश्रय पर प्राणी खः ॥ १ ॥ चिन्तना स्वंगू याना संज्ञा
पातसा (विष, शस्त्र, मन्त्र) थुगु संज्ञाजुल ॥ २ ॥ क्लेश धयागु विष स्वंगू न्ह्यागुजुसां समुत्थान (मने वेका) स्यायगु इच्छा

॥ १३ ॥

जुल ॥ ३ ॥ संयोग यायगु विष, शस्त्र, मन्त्र इत्योदिया द्वारा अन्ते थ गु न्होने मृत्यु यायगु जुल ॥ ४ ॥ वचनार्थ—
वचनं धायगु, थनिनिसें धारणायांना कन्हेसिया सूर्य उदय मजुतले मनुष्यनिसें पशुगती चिचीचाधिकः पि प्राणी तकं
स्याय मखु धका कराल यानागु जुल ॥ १ ॥ निगूगु अदत्तादान तोत्यगु प्यंगू अङ्ग, परया धननं कायेमखु धयागु
आश्रय परया हकदुगु सामान जुल ॥ १ ॥ चिन्तना गुलि संज्ञायांना व क्लेश निगू हापाथं समुत्थान (मने वेका)
मवीकं कायगु इच्छा जुल ॥ २ ॥ संयोग बल जबरजस्ति, मस्यंक बल कपटया द्वारं कायगु ॥ ३ ॥ अन्ते प्राप्त यायगु
मती वकेगु जुल ॥ ४ ॥ वचनार्थ— वचनं धायगु, परया हकदुगु धनवस्तु आपालं मूवंगुनिसें संचप मुलु सुका मात्रनं

॥ १४ ॥

मवीकं कायमखु धयागु जुल ॥ २ ॥ खंगू गु अङ्ग व्यभिचारया धर्मनं यायमखु धयागु, चोनेगु आश्रम (थासे) मां इत्यादि
नापनं चोनेमज्यूगु व मुख द्वार, मल द्वार इत्यादि मार्ग मखुगु व गर्भे दुह व उपवास आदि चोनेगु थासे समय मखुगु व
गुरु व त्रिरत्न, प्रतिमा इत्यादिया अग्रस मज्यूगु जुल ॥ १ ॥ संज्ञा भुलेजुगु मज्यूगु उध्यं, क्लेश त्रिविष जुल, समुत्थान
(मने वेका) व्यभिचार इच्छा धयागु जुल ॥ ३ ॥ संयोग वयागु कारणे व्यायाम चलेयायगु जुल ॥ ३ ॥ अन्ते निगू संयोग
याना सुख भोग यायगु जुल ॥ ४ ॥ वचनार्थ—वचनं धायगु, मिसा मिर्ज (स्त्री पुरुष) या इन्द्रिय निगू संयोगं व्यभिचार
ज्वीगु धर्म व उखेपाखे इत्यादि न्यायायेसानं यायमखु धका धयागु जुल ॥ ३ ॥ प्यंगूगु भुद्धावाद तोत्यगु (प्यंगू)

॥ १४ ॥

अङ्गधयागु ॥ भुद्धा खँनं हायमखु धयागु ॥ आश्रय खंगु ताःगु भेद खण्ड यायगु, चतुर्विज्ञान व उर्कि फरकगु प्यंगु जम्मा
च्यागू ॥ धायगु आश्रय मेपिसं उकीया अर्थ बुझेयाकेगु थाय् जुल ॥ संज्ञा खंगुयात मखं धायगु इत्यादि हीकेगु जुल ॥
क्लेश त्रिविष न्यागुं समुत्थान मने ल्वीकेगु, संज्ञा हीका धायगु इच्छा जुल ॥ २ ॥ संयोग थमं धायगु बा धायकेवीगु
मनूतसें धायकागुली ग्रहणयायगु जुल ॥ ३ ॥ अन्ते मेपिसं अर्थ बुझेयाकेगु जुल ॥ ४ ॥ वचनार्थ—वचनं धायगु,
उत्तर-मनुष्य धर्मनिसें संचपमात्र जकजूसनं रुयाः यायगु निमित्तनं भुद्धा खँ चिकीधंगुतक दक हायमखु धयागु जुल ॥
॥ निगूगु अङ्गे प्यंगू नेम दु ॥ हापांगु दोष आपाःवीगु सुरायान परित्याग यायधयागु अङ्गया अर्थ ॥ मभिगु प्राचित्त दोष

॥ १५ ॥

अकुशल आपालंज्वीगु, धातुं धःगु स्वभावं वयनावीगु, अमलया ज्या यायगु वा संयोग अमलत्वना ध्वंकायका ज्वीगु ॥
प्रव्रजितपि व्याकसेनं धौय्या शीतति जकनं तोने मज्यू ॥ अथ्यजक मखुकि उपोषधयायगु वसते गृहस्थपिसनं परित्याग
यायमाः धयागु जुल ॥ ५ ॥ ॥ निगू अङ्ग उच्चासयन महासयने चोनेमखु धयागु, सुवर्ण रुप्य दुगु आसने व श्रीखण्ड
अगुर व जातंजातया रत्न इत्यादि थुनातःगु महा आसने व केचिं व धुं चितुवाया वेंगू इत्यादियागु महा आसनेनं निकु
जाःदुगु खाताखो तयातःगु आसनेनं चोनेमखु धयागु जुल ॥ ६ ॥ ॥ स्वंगूगु अंगं तथा विकाल भोजन यायमखु
धयागु प्रव्रजित (भिक्षु) पि व्याकस्यां द्योत्वीया वसेनिसे वाहितक (अर्थात् बाह्वज्जे न्ह्यस) यागु समये भोजन यायगु ॥

॥ १५ ॥

थुयाय् च्वेकनातःगु तोत्यगु तोत्यमाःगु व्याक उथ्यंतुं, द्विने धौ दुरु अन्न दुगु भोजन छगू आसने नयगु सिबेत
वाहिजासांनिसे द्योतुयू मजृतले विकाल भोजन तोत्यधका धयागु जुल ॥ ७ ॥ ॥ प्यंगूगु अङ्ग गन्धमाला
कोखायगु, लेपनयायगु, तिसांतीगु, नृत्य गीत इत्यादि तोत्यगु धयागु जुल ॥ ॥ रागचित्तं गन्ध मालति कुंकुम पुष्प
यावास इत्यादि आपालं नतुनेगु व यू भिंपू मोती स्वां इत्यादिया मालां कोखायगु, सुवर्ण रुप्य इत्यादिया मकुट जातं
जातया तिसांतीगु, रुयाःयायगु हित्यगु व हर्षयायगु निमित्ते तुतिसंकेगु तालवीगु पदकायगु लयेतया मेहालेगु इत्यादि
मेमेगुनं बांलाकेगु निमित्ते समायायगु अलःतयगु ग्वाःनयगु इत्यादि ज्येने सँ कुलि कुलचिंका तयगु वासवोगु चिकं

॥ १६ ॥

दयका शरीरे ज्वीगु लेपनयायगु इत्यादिनं परित्यागयाये धयागु जुल ॥ ८ ॥ ॥ त्रिरत्नयात पूजायायगु निमित्ते नृत्य
गीत वाद्यथायगु व पञ्चमकुटं ज्वीगु ॥ धर्मदेशना यायगु कारणं तज्जागु आसने चोनेगु प्राचित्त ज्वीमखु, पुण्यया
सारदामहे ज्वीगु धका आज्ञा जुल ॥ ॥ श्वथ्यंतुं अष्ट अङ्ग पालनयायगु रूलनं "भीतार् धाचोस् ताकृतुनि" धयागु
श्लोक क्षपुया श्व अर्थ ॥ ॥ हानं व दृष्टान्त गथ्य पालनायायगु धाःसा- ह्यापाया अर्हतपिसं सदाकालं जीव हिंसा
इत्यादिया मूल व शाखा प्राचित्त व्याक शरीर वचनं मयास्य चित्तं रूलैसित पालना याःश्व ॥ जिनं वथ्यंतुं थनिनिसं
धारणायाना कहेसिया सूर्य उदय मज्जतले सकल सत्वप्राणियागु कारणे जीव हिंसा इत्यादि तोत्यमाःगु व्यागूनं तोत्यगु

॥ १६ ॥

जुल ॥ थुगुप्रकारं तोता व्यागू अंग रूलैसित पालनायाना चोनागुलिं अनुत्तर सम्यक्सम्बोधिपद याकनं प्राप्त ज्वीमा
धयागु जुल ॥ ॥ "दुङ्गल् माथुग् जिग्तेन्दि" धयागु श्लोक निपुया अर्थ ॥ थुगुप्रकारं सम्बोधि प्राप्त याःसानं त्रि
दुःखया तरंग आपालं पीर सहायमफया कष्टसियाच्चंगु लोकेन्वपि मां बौ थुपिव्याक जन्म जरा व्याधि मरण भवया
महासागरं प्यंगुलिं जि तरेयायफयेमा धका चित्त उत्पत्तियानागु द्वारा थःनं सम्बोधि प्राप्त ज्वीगु प्राणिधान व प्राणिपि
भवसागरं तरेयायगु प्राणिधान श्व निगू अत्यन्त तःधंगुलिं श्वव्याकयात अधिनेतयेगु शिक्षा यायमा धका बांलाक भाव
सीका ॥ "धेने स्लोक्चे मिमयासि" धयागुनिसं "सिपै ओले धोल्वास्पो" धयागु तक ल्यू ल्यू बोने ॥ श्वथ्यंतुं प्यंगू

॥ १७ ॥

अंगया शील अंग व सुरापान तोत्यगु विस्मृतिया अंग व बाकि खंगू वतया अंग मिलेयाना तःगु ॥ ध्व व्याक
पालना यायगुधका करालयाना होसमदयक चलेयाःसा पालेमजुगु प्राचित्त आलंबनासं म्हुतुं मुढायागु प्राचित्त जूगुलिं
स्मृतिसंप्रजन्य युक्तगु द्वारं रूलैसित पालना यायमाःगु जुल ॥ ॥ अनंलि हापा शीलस्यं पि इत्यादि सचेयायत हानं
शील विशुद्धि यायगु कारणे शील विशुद्धिया धारणी स्वधा ल्यू ल्यू बोने ॥ अनंलि नीळधाःतक नापं बोनेमा ॥ हानं
व धारणीया अर्थ ॥ ओं धयागु मन्त्रया शीर वा नायो ॥ अमोघ धयागु पवित्र अर्थदुगु ॥ शील धयागु शील ॥
सम्भर धयागु पुण्यसम्भार ॥ भरभर धयागु बढे बढे जूगु ॥ महा धयागु तःधंगु ॥ शुद्ध धयागु निर्मल ॥ सत्व धयागु

॥ १७ ॥

बोधिसत्व ॥ पद्म धयागु पल्यस्वां ॥ वि धयागु विचित्र ॥ भुषित धयागु तिसांतिया ॥ भुज धयागु हाःतं ॥ धर धर
धयागु जोनाचोंगु ॥ समन्त धयागु फुक ॥ अवलोकिते धयागु आर्यावलोकितेश्वर जुल ॥ ॥ ओं अमोघशील
सम्भर भर भर महाशुद्धसत्व पद्म विभूषित भुज धर धर समन्त अवलोकिते ॥ ॥ अर्थ ॥ ॥ अर्थ दुगु शील इत्यादि
बढे बढेयाया (विज्याह) महाशुद्धसत्व (करुणामय) पल्यस्वां हाःतंजोना सकभनं (करुणां) स्वयाविज्याह धयागु जुल ॥
॥ खंगूगु ॥ ॥ महायान उपोषध नेमया अनुशंसा देशना कनातःगुली शिचालंबनाजुगु प्राचित्त अपवादया देश-
ना कनातःगु ॥ १ ॥ शिचापालना यानागुया अनुशंसा भाव देशना कनातःगु ॥ २ ॥ ॥ निगूगुली ॥ हापांगु

॥ १८ ॥

विनय व्याकरणं ॥ गनं गुलिं गुलिं राजाया वचन तःकोमलि नागेयासां सजाई मयाइगु दु ॥ मुनिया आज्ञा व्याकरणे
रूल मखयेक यातसा तिर्यकजुह एलपत्र धयाह नागथ्यं जुई धका आज्ञादयकातःगु, वाखंकनातःगुथें ॥ ह्यापा भगवानं
धर्म कनाविज्यागु समये एलपत्र धयाह नागराजा चक्रवर्तिया भेषकया सर्प धर्म न्यनाच्चंवले भगवानं छं काश्यप बुद्धया
शासन कातेयानां मगाना जिगुशासनेनं कातेयावयाला? थःगु स्वरूपं धर्म न्य धका आज्ञाजुगुलिं ॥ कहेखुनुयादिने
तधीह सर्पजुया एलपत्र सिमाया पो योजनतिदुगु छयने बुयाचोंह, व सिमास फसंकया न्ह्यवी दुनेथ्यंक संकावयाच्चंहया
छयों शास्ताया सन्मुखे थ्यंवले द्विप्यं नगरेसंतुं तिनिगुलिं परिवार व्याक त्राशचाया विस्युवन ॥ शास्तानं द्विपिं ग्यायमते

॥ १८ ॥

द्विग चक्रवर्ति राजाजुया धर्म न्यनाच्चंह सर्प थ्वहेखः धका आज्ञा जुल ॥ थुगुखं गथ्यधका वितियाःवले थ्व ह्यापा काश्यप
बुद्धया शासने भिच्छुजुया एलपत्र धयागु सिमापोले चाःउवंवले कचा छकचां छयने हाःगुलिं कुपिटं तंम्वेका शिच्चायात
वास्तामयास्ये उगु सिमाकचा तोथुलाव्यूगुलिं थ्व सर्प जन्म जुल धका आज्ञादयका विज्यात ॥ अतएव प्राचित्त मतोतल
धायव थथ्यज्जी धका चिन्तनायाना शिच्चा चिचीधंगुनं बांलाक पालेयायमाःधका आज्ञा जुल ॥ निगूगु शिच्चापालना
यानागुया अनुशंसाया भाव देशना यानातःगुली निगू दु ॥ ॥ उपोपध अष्टाङ्ग पालना यानागुया अनुशंसा प्रतिदेशना
यानातःगु व साधारणगु अनुशंसा बढेयाना देशना यानातःगु निगू दुगुली ॥ ॥ ह्यापांगु च्यागूली प्राणाति तोतागुया

॥ १६ ॥

अनुशंसा ॥ जन्म जन्मपत्तिकं आयू ताहाकजुया निरोगीजुया तेज तचोतं बढेज्वीगु जुल ॥ १ ॥ ॥ अदत्तादान
तोतागुया अनुशंसा ॥ जन्म जन्मपत्तिकं धनसम्पत्ति संपूर्णजुया, थःगुसम्पत्ती मेपिसं दोषवीमखुगु जुल ॥ २ ॥ ॥ व्यभि-
चार तोतागुया अनुशंसा ॥ जन्म जन्मपत्तिकं (रूप) वर्ण बांलाना इन्द्रिय परिपूर्णजुगु जुल ॥ ३ ॥ ॥ कुट्टावाद तोता
गुया अनुशंसा ॥ जन्म जन्मपत्तिकं मेपिसं हुलेमयास्य वयागु वचनयात सकसिनं विश्वासयाइगु जुल ॥ ४ ॥ ॥ सुरा
पान तोतागुया अनुशंसा ॥ जन्म जन्मपत्तिकं स्मृतिसंप्रजन्य थीरजुया इन्द्रिय खोलेजुया प्रज्ञासंपूर्णजुगु जुल ॥ ५ ॥
उचासयन महासयन तोतागुया अनुशंसा ॥ सकल जन्मेसं मेपिमं स्तोत्र सत्कारयाका आसन लास भिक चवन्पगु

॥ १६ ॥

आपालं दैगु जुल ॥ ६ ॥ ॥ विकाल भोजन तोतागुया अनुशंसा ॥ जन्म जन्मपत्तिकं सुभित्तं सम्पूर्ण नयगु तोनेगु
सामान जलयायम्वाक दैगु जुल ॥ ७ ॥ ॥ गन्ध मालादि अलङ्कार नृत्य गीत वाद्य तोतागुया अनुशंसा ॥ जन्म
जन्मपत्तिकं शरीरे मधूर वासवया वर्ण आकार बांलाना सुलक्षण व्यञ्जन आपालं युक्त जुया, प्रज्ञां सन्तती दमनयाना
वचनं धर्म शब्द सदां तुतेमज्वीक वैचवनीगु जुल ॥ ८ ॥ ॥ निगूगु ॥ साधारणगु अनुशंसा ॥ बढेयाना कनातःगु
ली च्यागूदु ॥ ८ ॥ ॥ थ्व च्यागू लु लु धाःसा- भूमिथ्यं कुशलया शरीर ज्वीगु अनुशंसा ॥ १ ॥ अष्टाक्षण तोता (किगू)
संपत् प्राप्त ज्वीगु अनुशंसा ॥ २ ॥ दुर्गतिया द्वार बन्दजुया देव मनुष्यदा शरीर प्राप्त ज्वीगु अनुशंसा ॥ ३ ॥ सर्वगुण

॥ १० ॥

॥ १० ॥

॥ २० ॥

युक्त ज्वीगु अनुशंसा ॥ ४ ॥ दानसिनं पुण्य उत्तम ज्वीगु अनुशंसा ॥ ५ ॥ बुद्ध पूजासिनं पुण्य तः धनीगु अनुशंसा ॥
६ ॥ मैत्रीया गणे ह्यापात्ताक जन्म ज्वीगु अनुशंसा ॥ ७ ॥ जन्म जन्मपत्तिकं देव मनुष्यया शरीर प्राप्त जुया कर्मसित
अर्हत् व अनुत्तर सम्यक्सम्बुद्ध प्राप्त ज्वीगु अनुशंसा नापं व्यागू ॥ ८ ॥ दुगुली ॥ ॥ ह्यापां शील धयागु भूमिध्यांजागु स्वः
गन भूमि दत्त अन जगत् प्राणी सकलं चनेगु थान व धाँय सिमा हः फल व्याक उत्पत्ति ज्वीगु धाय दत्त ॥ वयंतुं शील
पालनायागु हेतु शरीर स्थोरजुया चणसंपत् देव मनुष्यया पद प्राप्त ज्वीगु, शुकीचवना परम मित्र नापलाना श्रुत चिन्तना
भावना स्वंगूया चर्यायाना पुण्यज्ञान निगुया सम्भार मुनागुलिं च्वे स्वर्गे अत्युदय गुण दकया स्थान शरीर ज्वीधका

॥ २० ॥

आज्ञा जूगु कारणजुल ॥ ॥ निगूगु शील पालनायाःसा अष्टाचणं छुतेजुया चणसंपत् प्राप्तज्वीगु अष्टादश धर्म ॥ ध्वया
हेतु नं शील पालनायाना चोनेगुलिं प्राप्त ज्वीगुया कारणजुल ॥ ॥ स्वंगूगु उपोषधया अष्टाङ्ग युक्तगु शील पालना
यानागुलिं दुर्गंतिया द्वार बन्दजुया देव मनुष्यया शरीर प्राप्त ज्वीगु शुकीया सँ कनातःगु ॥ ॥ ह्यापा रत्नालङ्कार
धयागु लोकधातु बगुली तथागत सुदर्शन धयाहं धर्मचक्र प्रवर्तनयाना सकल मनुष्ययात उपोषध अष्टाङ्गया शीले
शिचा वियातःगुलिं ॥ गुह्यं देव मनुष्य याने लात ॥ गुह्यं श्रावक व प्रत्येक बुद्ध बोधिसत्वया भूमिलात ॥ गुह्यं अनुत्तर
बोधि लात ॥ उगुबसते चक्रवर्तिराजा आर्य उपोषध धयाहं तथागतयाके व उपोषध सम्यकं ग्रहणयाना च्वे आकाशे

॥ २१ ॥

वना चतुर्विंशया मनुष्यपित शुभ समय वोगुवसते उपोषध अष्टाङ्ग युक्तु न्याय दयका विल ॥ शुभिसं उपोषध अष्टांग
न्याय पालना यागु वसते दुर्गति स्वंगू अस्ततं कुतुंबनीगुया द्वार तीर्थं जुल ॥ सुगतिया मार्ग दयकागुथं जुल ॥
चतुर्विंशया मनुष्यसीपि दकमनुष्यपिनि मध्ये इपि तःधंगु चत्रियावंशे, चतुर्माहाराजा, त्रायत्रिंशा, यामां, तुषिता, निर्मा-
णरति, फरुनिमित्तवशवर्ति आदि देव व मनुष्यया थासे जन्म जुल धका शुभ आज्ञा जुल ॥ ॥ हानं मेगु बोधि
सत्त्वया पिटके भगवामं आज्ञा जुल ॥ असंख्य कल्पया ह्यापा तथागत बुद्ध तेजवल धयाहं लोके विज्याना असंख्य प्रा-
णिपित उपोषध अष्टाङ्ग नेम ग्रहणयाका तःगुलिं गुलिं गुलिं बोधिसत्त्व प्राप्त जुल ॥ गुलिं प्रत्येक बुद्ध प्राप्त जुल ॥ गुलिं

॥ २१ ॥

श्रोताप्रति जुल ॥ गुलिं सकृदामि जुल ॥ गुलिं अनागामि जुल ॥ गुलिं अर्हतया पद साक्षात् जुल ॥ गुलिं थ्व
धर्मया दृष्टिं रज प्रमाणं छुतेज्वीक खन ॥ केयापि नं देव मनुष्यया पद लागु जुल ॥ ॥ अनंलि बुद्ध निर्वाण जुया
असंख्य वर्षतक शासन चिरस्थायि जुया अन्ते शासन फुना वनेत्योगु वसते अन लोकधात्वी धर्मयुक्त धर्माकर महाराज
छद्मवया थ्व बुद्ध भगवानया आज्ञा व्याकेशं सोवले उपोषध अष्टाङ्गया अनुरांसा व्याक खन ॥ अनंलि शुगु देशया भिक्षु व
ब्राह्मण सकलैमुंदा अष्टाङ्ग युक्तु विधि बुद्ध भगवानया मुखद्वारं आज्ञा जूगु थ्व सफू माला लवीका जितः व्यू, थ्व सफू
मन्यूसो दाडयापगु जुल धका धाःगुलीं इपि सकल्यंमुना का सुनां स्यूधका सहायागु अवस्थास सुनानं थ्व सफू मस्यूगुलिं

॥ ३३ ॥

॥ २२ ॥

दिशा दिशापति सकभनं मालास्वतनं स्वीक्यमफया त्राशचायाच्वंगु वस्वते बुढी छहसें धाल ॥ जि मचागु वस्वते जिमि
अबुं उपोषध अष्टांगया शील सम्यकं पालना यायगु, बुद्धं थःगु मुखद्वारं आज्ञादयकातःगु, उपोषध अष्टांग विधियागु
सूत्र जिमिबेँ थांयादुने थन तयातःगुदु धका धासेंलि ॥ व थामे सोबले दुने फुसुकुलुयाना हुया प्यकुंलाःगु गौलोचन
सियां बाकस बगले वन्दयानातःगु खना कयासोबले अष्टांगया विधि अनुशंसा सहितदुगु सफू चीधंचागु बगू दुगु
जुल ॥ व सफू भिन्नु व ब्राह्मणपिसं राजायात निमन्त्रणायांना चढेयात ॥ राजा तचोतं खुसिजुया इमित आपालं सिरपाउ
विल ॥ व बुढियातनं महासम्पत्ति आपालं बिल ॥ राज परिवार सहितं शुभ दिने अष्टांगयागु शीलया नेम पालना

॥ २२ ॥

यायगु न्याय दयका, थ्व मनुष्यपिं सकसिनं भिगु समये उपोषध अष्टांगया शील पालनायासेली ॥ थ्व राज परिवार
मनुष्यपिसं शील पालेयाःगुया अनुभावं देवस्थाने देवतापिं आपालं बढेजुया, व देवतापिनि आनन्दजुया, थ्व राजायागु
देशे सकभनं वस्वत वस्वते जलवृष्टि यानाविल ॥ रोग पीर कलह जुयाच्वंगु दक बांलाक शान्त यानाविल ॥ थ्व जम्बू-
द्वीपया मनुष्यपिनि दुर्गतिया द्वार दक वन्द जुया सिनावनेसात् त्रायत्रिंश, यामा, तुषिताया देवपिनिगु भाग्य समानंजुया
जन्म जुल धका आज्ञादयकातःगुथ्यं अनुशंसा अनन्त आपालं जुयाच्वंगुधका आज्ञाजुगुया कारण जुल ॥ ३ ॥ ॥
प्यंगूगु शील सम्यक् युक्त धैगु सूत्रं शील युक्त ह बुद्ध विज्याइगुनं नापलाई ॥ शील युक्त ह अलङ्कार दकयासिनं उत्तम ॥

॥ २३ ॥

शील युक्तस्य सुगन्धं लेपनं यानातः ह जुल ॥ शीलं तापशान्तज्वीगु बन्दागु जुल ॥ शील युक्तस्य सितं दक्षलोकं वयान
याई ॥ ध्व शीलं जगते उत्तमज्वीगु गुण आपालं दयाचन भका आज्ञाजुगु कारण जुल ॥ ४ ॥ ॥ न्यागुगु दीर्घायुह
मनुष्यं सखि दंतक चानंहिनं सदां दानयानायासिनं ह्विजिक उपोषध अष्टांगया नेम पालनायानागु पुण्य तः धंगु जुल ॥
आचार्यं वसुवन्धुं गुह्यसे श्रद्धाचित्तं सखि दंतक दानयानागु दानया (पुण्य) सिनं ह्विजिक शील पालनायाः गु पुण्य
वयासिनं विशेष आर्य भका आज्ञाजुगुया कारण जुल ॥ ५ ॥ ॥ खुगुगु समाधिराजसूत्रं गुह्यसे कल्पतक गंगा
नदिया बालुकाप्रमाणं देव मनुष्यया पूजा सामाग्रिं सत्कारयाना दानयाः गुसिनं सत्धर्म स्यनीगु वसते बन्हु अष्टांगया

॥ २३ ॥

शील पालनायाः सा, शुगु शील पालनायागुया पुण्य सिनं ह्वापा व पूजा दानयानागु पुण्य वैगु सखिब्वे ब्वयातिनं उत्ति
मग्यं ॥ दोखिब्वे ब्वनं उत्तिमग्यं ॥ सहश्रकोटिब्वे ब्वनं उत्तिमग्यं भका आज्ञाजुगु कारण जुल ॥ ६ ॥ ॥ हेगुगु
शाक्यमुनियागु शुगु शासने श्रद्धां धर्मन्यना व अष्टाङ्ग शील पालनायाः सा मैत्रीया परिषदे जन्म जुई, स्वपम् मैत्रीयागु
आज्ञानं ॥ शाक्यमुनिया शासने गुह्यसे श्रद्धां धर्मन्यना उपवास अष्टाङ्ग पालनायाई व जिगुहे परिषदे उत्पत्तिज्वी भका
आज्ञाजुगु कारण जुल ॥ ७ ॥ ॥ न्यागुगु जन्म जन्मपत्तिकं देव मनुष्यया उत्तम शरीर क्रमैसित प्राप्त जुया अर्हत
ज्वीगु जुल ॥ ॥ ह्वापा भी शास्ता शाक्यमुनि ध्वसपोल सुख संयुक्त भयागु देशे मैत्रीवल भयाह राजाजुया चन ॥

॥ २४ ॥

श्वराजा मैत्री करुणा चतुर्बलविहारे च्वना, दश सुकुशल चलेयानाच्वंगुया अनुभावं देशे दकभनं शुभ मङ्गल जुयाच्वंगु
परस्पर दोष मन्युगु जुल ॥ उगु बखते यक्ष मांसाहार न्याह यक्षया मालिकं दण्डयाना देश पित्तिनाहःपि राजा मैत्री
बलया देशे वया, श्व यक्षपि ब्राह्मण रूपजुया अनदेशे चाह्वं वले गोथलावह कथिषु याके व्यकुंच्याना कानिला म्ये
हालाच्वंह नापलात ॥ श्व यक्षपिसं धाल ॥ यक्षपि भूतपि क्रूर मभिपि वलधाःगु छं मन्यनाला ॥ ग्यानापुगु थासे पासा
मदयक यक्षपि दुगु थानस जुयानिति मन्याःगु भका धाल ॥ व गोथलां हिला धाल ॥ राजाया मैत्रीवलं जगत् प्राणिपिन्त
वांलाक रक्षायानातःगुलिं देवराज इन्द्र श्वं नं दोषयाय मफुभासेलि पिशाचपिसं गवलेफै धका धाल ॥ श्व यक्ष धाल ॥

॥ २४ ॥

द्विमित अमनुष्यं दोषयाय मफुगु व राजाया अनुभाव गथ्यजुया दुगु ॥ गोथलां धाल ॥ जिमि राजाया अनुभाव मैत्रीयागु
वलं दयावोगु, उकिं द्विपि नगरे वोंसा व राजायागु गुण दर्शन ज्वी धका धाल ॥ अनंलि श्व यक्षपिसं व राजायागु
लायकूली वना राजा दानवीगुली खुसिह धका सीका, थुमिसं राजायाके नयगु फोन ॥ राजा तच्चोतं खुसिजुया नयगु
साःगु राजायाथास दुगु व्याकहया थुमित चिल ॥ श्व यक्षपिसं मकास्य जिमिसं थजागु नयगु मखु धका धाल ॥ जिमि
नयगु तोनेगु आशारा मनुष्यया काःगु ला, काःगु हि धका धया शरीर भयानक रूपयाना कयन ॥ व राजाया करुणा
उत्पत्तिजुया आःजि शरीर दानवीगु बलतवल धका नाडी हिनू पहिचानजूपि वैद्यत सःताहि धका आज्ञादयकल ॥

॥ २५ ॥

उगु वसुते रानी व मन्त्रिपिसं सहयाय मफया समभे यानाच्चन ॥ हे देव ! यथ्याना विज्यायमले, यदि शुमित ला हि हे माःसा जिमिसं बी ॥ देव जिमिनाथ जूयानिति धका विन्तियाःबले ॥ राजां धाल ॥ थ्व यक्षपिसं जिके ला हि फोन छिमिके फोंगु मखु, उकिं जि दानवीगु पकाजुल धका आज्ञादयका, तःपुगु हिनू न्यापु ध्यना, यक्षपिन्त थ्व जिगु शरीर भोगयाना न धका राजां कायया हितोंका शरीरया ला ध्यना बिल ॥ अनंलि यक्षपिसं राजायात दण्डवतयाना धाल ॥ छःपिसं यजागु परिश्रमयाना जिमित हितयात ॥ थ्व दोषयानागु सहयाना चमायाना विज्याहुँ धका विन्तियासेली ॥ राजां आज्ञाजुल ॥ अष्टमि, पूर्णिमाया समये उपोषध अष्टाङ्गया शीले चोनेगुया धका आज्ञाजुल ॥ अनंलि थ्व यक्षपिसं

॥ २५ ॥

थ्वयत्तुंयाय धका दण्डवतयाना अन्तरधान जुयावन ॥ थ्व यक्षपिसं नं अष्टाङ्ग शील पालनायाःगुलिं, भगवानं बोधि- चर्या चलेयाःगु वसुतेनं वसपोलया परिषदे जक जन्मजुया, लिपा बुद्ध जूगु वसुतेनं शास्ताया परिषदे ह्यापां पञ्चमद्रवर्गी जन्मजुया अर्हत फल प्राप्त जूगुनं थथ्ये थुकथंजक मखुकि अन्ते संबोधिं प्राप्त जूवनीगु जुल ॥ ॥ देवपृच्छा सूत्रं ॥ भगवानं आज्ञादयकल हे कौशिक ! उपवास अष्टाङ्ग शील पालना यानागुलिं दिव्यगु शरीर प्राप्त ज्वीगु, उलिजक मखु अनुत्तर सम्यक्संबोधिं प्राप्त ज्वीगु खः ॥ अष्टमि, पूर्णिमा व (महाप्रातिहार्य क्यना विज्यागु) फागुन मासे उपवास अष्टाङ्ग शील पालनायाःमा थुह बुद्धहे ज्वी धका आज्ञाजुल ॥ हानं मेगु बुद्धया रूप काय स्वीनिता लक्षण चयगु व्यञ्जन दुगुनं

॥ २६ ॥

हृषीकेश शील पालनायाः गुलिं प्राप्त जूगु धका आज्ञा जुल ॥ ॥ दीर्घनख परित्राज परिपृच्छा सूत्रं ॥ भगवानयाके
थय्य विन्तियात ॥ हे भगवन् ! हृषीकेश कर्मयाना विज्याना गुलिं छलपोलया वज्रकायं युक्तजूगु धयागुनिसें, शीरे
उष्णीष स्वेबले खनेमदेक आर्य्य जुयाच्वन धयागु तक छगू छगू विन्तियात ॥ भगवानं आज्ञादयकल ॥ हे ब्राह्मण !
थ्व वज्रध्वंगु कायजूगु हृषीकेशायागु जन्म जन्मपत्तिकं प्राणातिपात तोतागुलिं थुगु फल जुल ॥ १ ॥ ॥ हृषीकेश सुवर्णया
चक्र दोलछि किरणं युक्तगु अलङ्कारं शोभायमानगु जुया, दीर्घाङ्गुलि जालबन्धन हस्त जूगु ॥ हृषीकेश जन्म जन्मपत्तिकं
अदत्तादान तोता उकीयागु अनुशंसा जुल ॥ २ ॥ ॥ इन्द्रिय परिपूर्ण जुया शरीर पोष्टजूगु ॥ हृषीकेश जन्म जन्मपत्तिकं

॥ २६ ॥

काममिथ्या तोतागुलिं उकीयागु फल जुल ॥ ३ ॥ ॥ जिह्वा मुखमण्डल तोष्वीक वाचा ब्रह्मस्वरथ्यं न्यने ययापुस्यच्वंक
वयाच्वंगु ॥ हृषीकेश जन्म जन्मपत्तिकं भुट्टावाद तोतागुलिं उकीयागु फल जुल ॥ ४ ॥ ॥ इन्द्रिय बांलाक खोले जुया सो
सोकिकि स्वेमगाकजूगु ॥ हृषीकेश जन्म जन्मपत्तिकं अन्न इत्यादिं बनेजूगु सुरापान लग्ने जुया बिहोसज्जीगु तोतागुलिं उ-
कीयागु फल जुल ॥ ५ ॥ ॥ चत्वारिंशत दण्ड सम, अविरल, शुक्ल दन्त जुया, स्वाद्य उत्तमगुरुसं युक्तगु प्राप्त जूगु ॥
हृषीकेशायागु जन्म जन्मपत्तिं विकाल भोजन तोतागुलिं उकीया फल जुल ॥ ६ ॥ ॥ काय शील सुगन्ध मधूरगु वासनां
भिनकं व्यापकजूगु ॥ हृषीकेश जन्म जन्मपत्तिं माला, गन्ध, विलेपन, मण्डन, विभूषण व्याक तोतागुलिं उकीयागु फल

॥ २७ ॥

जुल ॥ काय सर्वलक्षण शोभायमानजूगु ॥ ह्यापायागु जन्म जन्मपत्तिं नृत्य गीत वाद्य तोतागुलिं उकीया फल जुल ॥ ७ ॥
धर्मया आसन स्वंगुलीसं बांलाक चोने दुगु ॥ ह्यापा जन्म जन्मपत्तिं उच्चासन महासन तोतागुलिं उकीया फल जुल ॥
शीरे उष्णीष स्वेबले खनेमदेक आर्यजुयाच्वंगु ॥ ह्यापायागु जन्म जन्मपत्तिकं धर्म व संघ, गुरु, आचार्य, उपाध्याय गुण
दयाचोपित पञ्चप्रणामयाना पूजायानागुलिं उकीया फल जुल ॥ ८ ॥ थय्य धका इत्यादि अनुशंसा प्रमाणहे मदेक दया
च्वंगु दुधका आज्ञाजूगु व्याकसं संचितमात्रतयाः आखः आपाः मचोया ॥ थव चोयागुया अनुशंसा आपालं भावदुगु
उपवासया अनुशंसा तयातः सानं नेम चछि द्विजिजक व अष्टाङ्ग शील पालना यायमाःगु उध्यंजूसां उपोषधया अनुशंसा

॥ २७ ॥

तयातः सानं नेम चछि द्विजिजक व अष्टाङ्ग शील पालना यायमाःगु उध्यंजूसां उपोषधया अनुशंसा कारण थवीक्य अः-
पुगुलिं द्वनीमखुगु जुल ॥ उकिञ्चानिति अनुशंसा समुक्तेयाना ज्या यायअःपुगु महार्थया खं कनातःगु थव छुयाये धका
सितिकं मज्जोसे, चणसम्पत् प्राप्तजूगु अर्थ युक्तगु छगू न्याय्ययानानं यायमा ॥ थुगुप्रकारं बढेयाना घटेयाना बांलाक
कनातःगु थवीका ॥ यिक्कि छुलथिक् कयोन्मे चिं ॥ धयागु व ॥ तोन्पा लानामेपै तेन्पाधां ॥ धयागु ॥ दावी भिने
सागुपै गेवादि ॥ धयागु श्लोक छपुनापं बोना ॥ वयालिपा मण्डल चढेयाना दण्डवतयाका थःगुथासे छेगु वा याना
बनेगु जुल ॥ गुलिसियां चोवातःगुली ह्यापायागु शिच्चा खधा बोनेगु कनातःसां जिमि गुरुपिसं यथार्थयाना विज्यागुली

॥ २८ ॥

॥ २६ ॥

✻ उपोषध व्रतया नेम ✻

॥ २६ ॥

जगतया नाथ करुणाया स्वामी । भजलपे अमोघ पाशया नामः ॥ लोक हित यायगु मननं भाषा । याय जुल
जीनं थुगुरिति नेमः ॥ १ ॥ सुचि स्नान याना शुद्ध वस पूना । वने जुल शरण काय वाक चित्तं ॥ फलफुल सकल
स्नान सितुआदीं । थ्वयमखु जीनं व्रतयागु दीने ॥ २ ॥ यायमखु हिंसा थर्नि निस्यं सदां । प्राणिहत्या धाको
तोते जुल जीनं ॥ करपिगु धन्नं कायमखु जीनं । परयागु जुको तयमखु लोभं ॥ ३ ॥ ब्रह्मचर्य आदीं स्यंकेमखु
जीनं । परयागु धर्मे वने मखु हानं ॥ ह्यायमखु जीनं मखुगु वाक्य आदीं । असत् वाक्य फुकं तोते जुल जीनं ॥
॥ ४ ॥ अयला थ्वं आदीं मदपान दकं । दया चोक फुकं तोते जुल जीनं ॥ बाहि लिपा थैनी नय मखु जीनं ।

॥ २६ ॥

छकजक पालं याय जुल जीनं ॥ ५ ॥ प्याखं आदि जात्रा सोय मखु जीनं । गीत वाद्य दको थाय मखु जीनं ॥
बुयमखु जीनं अत्तर नखाचीकं । कसाय मखु स्नानं तियमखु सीह ॥ ६ ॥ तधंगु तव्यागु लासा आदिं लाया ।
घने मखु जीनं खाता फुंग तया ॥ तियमखु तीसां थियमखु लूँ वह । तोते जुल जीनं थुलि व्रत दीने ॥ ७ ॥

॥ ५० ॥ ॥ सप्तत्रिंशति बोधिपाक्षिका धयागु ३७ ॥

चत्वारः स्मृत्युपस्थान ॥ ४ ॥ चत्वारः सम्यक्प्रधान ॥ ४ ॥ चत्वारः ऋद्धिपाद ॥ ४ ॥ पञ्च इन्द्रिय ॥ ५ ॥ पञ्च बेल ॥ ५

सप्तबोध्यङ्ग ॥ ७ ॥ आर्याष्टाङ्ग मार्ग ॥ ८ ॥ जम्मा ३७ ॥ ॥ प्यंगू स्मृत्युपस्थान छु छु धाःसा- कायानुस्मृत्युपस्थान ॥ १ ॥

वेदनानुस्मृत्युपस्थान ॥ २ ॥ चित्तानुस्मृत्युपस्थान ॥ ३ ॥ धर्मानुस्मृत्युपस्थान ॥ ४ ॥ ॥ प्यंगू सम्यक्प्रधान छु छु धाःसा- अनुत्पन्नानां

पापकानामकुशलानां धर्माणामनुत्पादायच्छन्द जनयति ॥ १ ॥ उत्पन्नानां पापकानामकुशलानां धर्माणां प्रहाणायच्छन्द जनयति ॥ २ ॥ अनुत्पन्नानां

कुशलानां धर्माणामनुत्पादायच्छन्द जनयति ॥ ३ ॥ उत्पन्नानां कुशलानां धर्माणां स्थितये भूयो भावताये असप्रमोषय परिपूरयेच्छन्द जनयति ॥ ४ ॥ ॥

प्यंगू ऋद्धिपाद छु छु धाःसा- छन्दसमाधि प्रहाण संस्कार समन्वागतो ऋद्धिपाद ॥ १ ॥ चित्तसमाधि ० ॥ २ ॥ वीर्य्य ० ॥ ३ ॥ मीमांस ० ॥ ४ ॥

न्यागू इन्द्रिय- श्रद्धा इन्द्रिय ॥ १ ॥ वीर्य्य ० ॥ २ ॥ स्मृति ० ॥ ३ ॥ समाधि ० ॥ ४ ॥ प्रज्ञा ० ॥ ५ ॥ न्यागू बल- श्रद्धा बल ॥ १ ॥ वीर्य्य ० ॥ २ ॥

॥ ३० ॥

स्मृति ० ॥ ३ ॥ समाधि ० ॥ ४ ॥ प्रज्ञा ० ॥ ५ ॥ हेगू बोध्यङ्ग- स्मृति सम्बोध्यङ्ग ॥ १ ॥ धर्म-विचय ० ॥ २ ॥ वीर्य्य ० ॥ ३ ॥ प्रीति ० ॥ ४ ॥ प्रश्रद्धा ० ॥ ५

समाधि सं ॥ ६ ॥ ज्येष्ठा सं ॥ ७ ॥ च्यागू आर्याष्टाङ्ग मार्ग- सम्यक्दृष्टि ॥ १ ॥ सम्यक्सङ्कल्प ॥ २ ॥ सम्यक्वाक्य ॥ ३ ॥ सम्यक्कर्मन्त ॥ ४ ॥

सम्यक् आजीव ॥ ५ ॥ सम्यक् व्यायाम ॥ ६ ॥ सम्यक् स्मृति ॥ ७ ॥ सम्यक्समाधि ॥ ८ ॥ ॥ शुलि ३७ गू बोधिपादिका धर्म जुल ॥ ॥

षडनुत्तर- दर्शनानुत्तर ॥ १ ॥ श्रवणानुत्तर ॥ २ ॥ लाभानुत्तर ॥ ३ ॥ शिक्षानुत्तर ॥ ४ ॥ उपस्थानानुत्तर ॥ ५ ॥ अनुस्मृत्यानुत्तर ॥ ६ ॥ ॥

अनुत्तर । निरुत्तर । अनुत्तम । उत्तर । उत्तम । ज्येष्ठ । श्रेष्ठवर । प्रवर । अग्र । विशिष्ट । प्रधान । परम ।

प्रणीत । असम । असमसम । अप्रतिसम । दुष्ट । अत्यन्त । सर्वाकारवरोपेत । प्रष्ट ॥ ॥

❧ निवेदन ❧

॥ ३१ ॥

नमो लोकेश्वराय ॥ ॥ संवृति व परमार्थ निगू अर्थया अन्तं पारजुया विज्यान्न सर्वज्ञ करुणाधारि बुद्धरत्न १, राग द्वेष इत्यादि सर्वं विषं
अलगजुया विज्यान्न रत्न २, शीलसंपन्न जुया लोक हितयाना विज्यान्न संघरत्न ३ श्वसपोलपिं त्रिरत्न स्वदासितं नमस्कारयाना, श्व तिब्बत
भाषाया अनुसारा यः गु मातृभाषां श्व उपोषध अष्टांग शीलया अनुशंसा सहित अनुवादयायगु आरम्भयाना ॥ ॥ श्व जिथ्यंजाद्व अशिक्षितम्हं
श्व भाषा अनुवाद याय कर्तामखु, श्व अनुवाद यायतला तिब्बत, संस्कृत, यः गु मातृभाषा साहित्य सहितं निपुणपिनिगुजक कर्ता खः ॥ ॥ एसांतनि
दृष्टान्त गरीपम्हं दान खनिगु समये यः गु अधिकार छुंहे मदेक आफ्हे बयान याइगुथ्यं जि अल्पज्ञम्हं श्व उपाध शीलया अनुशंसा सहित दुगु थुगु
पुस्तक छगू दर्शन लावले जिगुचिषे श्रद्धा उत्पत्तिजुया थमंफुथ्य सःस्युपिकेन्यना श्व तिब्बत भाषा स्वया यः गु मातृभाषां अनुवादयाना, थुकी भाषा

॥ ३१ ॥

छन्द अन्वय यायमफुगु छुं दुदं फुट् जूगु दोंगु इत्यादि दयफु, श्व दकं सःस्युपिं पण्डितपिसं वा पाठक वर्गपिसं स्वया कृपापूर्वक सचेयाइधैगु आशा दु ॥
श्व अनुवाद यानागु खालि जिथ्यंजापिसं श्व हे उपोषध अष्टाङ्ग शीलया अनुशंसा स्वया उत्तमव्रत थुगुली निश्चय गौरव भाव अभिवृद्धि ज्वीला धैगु व
विशेष विज्ञपण्डितपिसं थुगु उपोषधव्रतया अनुशंसा स्वया मेगुनं संशोधन पूर्वक बांलाक सुबोधगु अनुरूपं प्रकाश यानाहै धैगु श्व निगू प्रवले अभिलाषाः ॥
थुगु सफु अनुवाद यानागुली दोंगु करुणामयं समायाना, थुकिं दयावोगु छुं भन्ना पुण्यं सकल सत्वप्राणिपिं संकल्पं सम्यक्संनोधि प्राप्त ज्वीमा ॥ ॥
❧ शुभ मङ्गलं भवतु सर्वदा काले शुभम् ॥ ❧

॥ नमो गुणमागराय ॥ ॥ वन्दे श्री शाक्यसिंहं सुरगणसहितं देवदेवाधिदेवं ॥ संसारान्धे प्रवर्त्तं सकल गुणनिधिं
गौतमं बुद्धनाथं ॥ संसारे सिद्धनादं सकल भयहरं स्थापितं धर्म छत्रं ॥ त्रैलोक्यं धर्म वर्षं गुणशत निलयं तर्पितं देव

॥ २२ ॥

लोकं ॥ ॥ नमो भगवते वैरोचन प्रभकेतु रजाय तथागतायाऽर्हते सम्यक्सम्बुद्धाय ॥ तद्यथा ॥ सूक्ष्मे २ शान्ते २ दान्ते २ असमारोपे निरालम्बे निराकुले निर्वाणे यशोवति महातेजे सर्व बुद्धाधिष्ठानाधिष्ठिते स्वाहा ॥ ॥ नमो भगवते अक्षोभ्याय तथागतायाऽर्हते सम्यक्सम्बुद्धाय ॥ तद्यथा ॥ कङ्कनि २ वाकनि २ रोचनि २ त्रौतनि २ संत्राशनि २ प्रतिहत हर २ सर्वकर्म परंपराणि मे सर्वसत्त्वानाञ्च स्वाहा ॥ ॥ नमो भगवते रत्नसम्भवाय तथागतायाऽर्हते सम्यक्सम्बुद्धाय ॥ तद्यथा ॥ रत्ने २ महारत्ने रत्नसम्भवे रत्नाकिरणे रत्नमाला विशोधने स्वाहा ॥ ॥ नमो भगवते अमिताभाय तथागतायाऽर्हते सम्यक्सम्बुद्धाय ॥ तद्यथा ॥ अमिते २ अमितोद्भवे अमितसम्भवे अमितविक्रान्ते अमितगामिने गगन

॥ २३ ॥

कीर्तिकरे सर्वक्लेश क्षयङ्करि स्वाहा ॥ ॥ नमो भगवते अमोघसिद्धये तथागतायाऽर्हते सम्यक्सम्बुद्धाय ॥ तद्यथा ॥ अमोघा प्रतिहत हर २ सर्वक्लेश क्षयङ्करि स्वाहा ॥ ॥ नमो भगवते वज्रसागर प्रमर्दने तथागतायाऽर्हते सम्यक्सम्बुद्धाय ॥ तद्यथा ॥ वज्रे २ महावज्रे महातेजवज्रे महाविद्यावज्रे महाबोधिचित्तवज्रे महाबोधिमण्डोपसंक्रमणवज्रे सर्व कर्मावरण विशोधनवज्रे स्वाहा ॥ ॥ नमो रत्नत्रयाय ॥ नमः आर्यज्ञानसागर वैरोचनव्यूहराजाय तथागताय ॥ नमः सर्वतथागतेभ्यः अर्हद्भ्यः सम्यक्सम्बुद्धेभ्यः ॥ नमः आर्यावलोकितेश्वराय बोधिसत्वाय महासत्वाय महाकारुणिकाय ॥ तद्यथा ॥ ओं धर २ धिरि २ धुरु २ इतिवित्ते चले २ प्रचले २ कुसुमे कुसुमे वरे इत्थिमिलिचित्तज्वलमपनये स्वाहा ॥ ॥

॥ ३३ ॥

नमो भगवते शाक्यमुनये तथागतायाऽर्हते सम्यक्सम्बुद्धाय ॥ तद्यथा ॥ मुने २ महामुने शाक्यमुनये स्वाहा ॥ ॥
नमो भगवते भैषर्ग्य गुरुवैद्य्य प्रभकेतुराजाय तथागतायाऽर्हते सम्यक्सम्बुद्धाय ॥ तद्यथा ॥ भैषर्ग्य २ महाभैषर्ग्य पद्म
भैषर्ग्य सुभैषर्गराज समुद्रते स्वाहा ॥ ॥ नमो भगवते दुर्गतिपरिशोधनराजाय तथागतायाऽर्हते सम्यक्सम्बुद्धाय ॥
तद्यथा ॥ शोधने २ विशोधने २ सर्वपाप विशोधने सर्वापाय विशोधने शुद्धे विशुद्धे सर्वकर्मावरण विशोधने स्वाहा ॥ ॥
नमो भगवते अपरमितायुर्ज्ञानसुविनिश्चिततेजोराजाय तथागतायाऽर्हते सम्यक्सम्बुद्धाय ॥ तद्यथा ॥ ओँ पुण्य २ महा
पुण्य अपरमित पुण्य अपरमितायुँ पुण्य ज्ञानसम्भारोपचित्ते ओँ सर्वसंस्कार परिशुद्धे धर्मोद्भूते गगनसमुद्रते स्वभाव

॥ ३३ ॥

विशुद्धे महानयपरिवारे स्वाहा ॥ ॥ ओँ गते २ पारंगते पारसंगते बोधि स्वाहा ॥ ॥ ओँ सर्वधर्मा भावस्वभाव
विशुद्धवज्र अआ अंअः प्रकृतिपरिशुद्धाः सर्वधर्माः यदुत सर्वतथागत ज्ञानकाय मञ्जुश्री परिशुद्धितामुपादायेति ॥ अआ
ओँ सर्वतथागत हृदय हरहर ओँ हूँ ह्रीं भगवान् ज्ञानमूर्ति वागीश्वर महावाच सर्वधर्मा गगनामल सुपरिशुद्ध धर्मधातु
ज्ञानगर्भ आः ॥ ॥ येधर्मा हेतुप्रभावा हेतुस्तेषां तथागत ह्यवदत्तेषां च यो निरोध एवं वादि महाश्रवणः ॥ ॥
॥ वन्दन पूजन देशनताया अनुमोदनऽप्येषन याचनताया । यच्च शुभं मयि संचितुकिञ्चित् बोधयनामयमि अहु सर्व ॥
ओँ वज्रसत्त्व समयमनुपालय वज्रसत्त्वत्वेनोपतिष्ठ दृढो मे भव सुतोष्यो मे भव सुपोष्यो मे भव अनुरक्तो मे भव सर्वसिद्धि मे

प्रपञ्च सर्वकर्मसु च मे चित्त श्रेयः कुरु हूँ ह ह ह ह हो भगवन् सर्वतथागत वज्र मा मे मुञ्च वज्रीभव महासमयसत्त्व आः ॥

॥ ३४ ॥

॥

-X-

॥ शुभम् भवन्तु सर्वजगताम् ॥

-X-


॥

भाषानुवादक — नवीन प्रव्रजित सिद्ध धर्मसागर ।



प्रकाशक — साहु मैत्रीरत्न उपासक ।

प्रथमावृत्ति १००]



[शुक्रिया चन्दा १ ।]

शुक्र चन्दा द्वारा हानं मेगु सफू प्रकाश जुई ॥

बुद्ध सम्मत २४६६ । नेपाली सम्मत १०७६ । विक्रम सम्मत २०१३ ।

॥ ३४ ॥